

Ա. ԱՅՎԱԶՅԱՆ. Հայաստանի պատմության լուսաբանումը ամերիկյան պատմագրության մեջ. ԲՆՈՒՄԻՆԻՍ, Երևան 1998, 259 էջ:

Վերջերս պատմաբան Արմեն Այվազյանը հրատարակել է վերոհիշյալ խորագրով ուշագրավ մի աշխատություն, որը կոչված է լրացնելու այն բացը, որ նկատվում էր Հայոց պատմության ուսումնասիրության բնագավառում: Եթե առաջներում մենք տեղյակ էինք միայն արգի թուրք պատմագրության կեղծիքներին, ապա այժմ, շնորհիվ Արմեն Այվազյանի գնահատելի ջանքերի, մենք ծանոթանում ենք նաև արևմտյան և, մասնավորապես, արդի ամերիկյան պատմագրության Հայոց պատմության մասին Հայտնած տեսակետների Հետ: Աշխատությունը բաղկացած է ներածությունից, երկու մասից և աղբյուրների ու գրականության ընդարձակ ցանկից: Ներածության մեջ Հեղինակը առանձնակի բարձրացնում է Հայոց պատմության վիթխարի ուղիղությանը նշանակությունը ներկա փուլում Հայկական պետականության կայացման ճանապարհին Հայ ազգային ոգին վառ պահելու գործում:

Ծանոթանալով Արմեն Այվազյանի սույն աշխատանքին մասնագետ-ընթերցողը անմիջապես Համոզվում է, որ ինքը գործունի Հայոց պատմության բացառապես կեղծիքների ու աղավաղումների Հետ, որոնց Հեղինակները ամերիկյան և, դժբախտաբար, նաև ամերիկահայ փորձառու պատմաբաններն են (Ռ. Գ. Սյունի, Ռ. Թոմսոն, Պ. Քաուի և շատ ուրիշներ): Արժանին պետք մատուցել Հեղինակին. նա արդի ամերիկյան պատմագրության մեջ տեսնում է նաև անաչառ գիտնականների, որոնց աշխատություններն ըստ արժանվույն բարձր են գնահատված:

Հայոց պատմությունը կեղծող, աղավաղող, նենգափոխող ամերիկյան պատմաբանների աշխատությունները, ընդհանուր առմամբ, գնահատվում են որպես «թուրքամետ»: Շատ մեղմ է ասված. իրերը պետք է կոչել իրենց անուններով: Ծանոթ լինելով Հայոց պատմության Հիմնահարցերին նվիրված արդի թուրք պատմագրության ներկա-

յացուցիչների «աշխատություններին», մենք եկանք այն եզրակացությունը, որ Արմեն Այվազյանի գրքում ներկայացված ամերիկյան Հեղինակները ոչ թե սոսկ դրսևորում են թուրքամետություն, այլ ուղղակիորեն Գրանց ստահող պատմագրություն են բացահայտ պաշտպանության ներքո և Հանդես են դալիս փաստաբանների դերում: Դա անշուշտ բխում է նախ և առաջ ԱՄՆ-ի և Թուրքիայի միջև կնքված ռազմավարական դաշինքից: Երկրորդ Համաշխարհային պատերազմից առաջ գերմանացի Ֆաշիստ պատմաբանները, մասնակցելով թուրքական պատմադրական ընկերության (Turk Tarih Kurumu) անցկացրած համագումարներին, ուղղակիորեն ձայնակցում էին պանթուրքիստ պատմաբաններին: Բավական է ծանոթանալ առանձին Հատորներով Հրատարակված այդ Համագումարների նյութերին: Մոտավորապես նույնը կատարվում է նաև մեր օրերում, ամերիկյան պատմաբանների Հետ, միայն այն տարբերությամբ, որ անշուշտ բացահայտ պանթուրքիստական պնդումներ Հնարավոր չէ ներկայումս կատարել: Այս քննադատությունը դուր կգա թե ոչ պարոնայք Ռ. Գ. Սյունիներին, Ռ. Թոմսոններին, Պ. Քաուիներին և այլոց, խնդիրը դրանով չի փոխվի: Ինքները դատեցեք. Հայոց պատմությանը վերաբերող «աշխատություններում» արդի թուրք պատմագրության ներկայացուցիչները առավել խեղաթյուրել և նենգափոխման են ենթարկել Հետևյալ Հարցերը՝ ա) Հայ-ուրարտական առնչությունները և Հայերի ծագումնաբանությունը, բ) Հայկական լեռնաշխարհի և Հայաստան Հասկացության անտեսումն ու ժխտումը, դրա փոխարինումը թուրքական Անատոլիայով, գ) դարերի ընթացքում Հայերի քաղաքական ինքնուրույնության հերքումը, դ) Հայկական աղբյուրները անարժանահավատ Հայտարարելը, ե) Հայկական լեռնաշխարհում ի սկզբանե անտի Հայերի աննշան փոքրամասնություն կազմելը, զ) մեծամտական, արհամարհական վերաբեր-

մունքը գեպի Հայ քաղաքակրթությունն ու մշակույթը, ատելությունը Հայոց ազգային բնավորության նկատմամբ և վերջապես է) Հայոց Մեծ Եղեռնի Հարցում Հայերի բնաջնջումը երիտթուրքերի կողմից նախօրոք ծրագրած լինելու ճշմարտության անտեսումն ու Հերքումը, Հայերի զոհերի թվի գիտակցված նվազեցումը, թուրքերին զոհեր ներկայացնելու միտումը և այլն, և այլն: Արդ՝ լուկ Հայտարարություններ անելու ցանկությունն չունենալով, դիմենք կոնկրետ փաստերի: Իր «Հայագիտական» գլուխգործոց Համարվող «Հայացք գեպի Արարատ: Հայաստանը նոր պատմության մեջ» գրքում Ռ. Գ. Սյունին չի էլ թաքցնում իր գրքի բուն նպատակները, այն է՝ կազմալուծել [decompose] «Հայ քաղաքական ազգայնականների քաղաքական գաղափարախոսության հիմքը, ըստ որի Հայերի շարունակական գոյությունը, որպես պատմական ժողովուրդ, նրանց առաջացումը Հայկական լեռնաշխարհում, նրանց զինում է ինքնորոշման և պետականության իրավունքով ու նաև պատմականորեն վավերացված պահանջատիրությանը այն տարածքների նկատմամբ, որ կազմում են Հայաստանը» (էջ 20): Ասված է առավել քան Հստակ. ինչպես թուրք պատմաբանները, այնպես էլ Ռ. Գ. Սյունին փորձում է զրկել Հայ ժողովուրդին իր պատմական բնօրրանից:

Հետևելով թուրք պատմագրությանը, Ռ. Գ. Սյունին Հայկական լեռնաշխարհում, որը նա անվանում է Անատոլիա, Հայերին համարում է եկվորներ: Մնում էր միայն վարվել պանթուրքիստ պատմաբանների նման՝ Հայտարարելով, որ Հայերը գալով Հայկական լեռնաշխարհ ոչնչացրեցին խուռի-ուրարտացիներին, ենթադրյալ նախաթուրքերին, կատարելով մարդկային պատմության մեջ առաջին ցեղասպանությունը: Ռ. Գ. Սյունին փորձում է բացառել որևէ գենետիկ կապեր ներկայիս Հայերի և խուռի-ուրարտացիների միջև, անտեսելով այժմյան Հայագիտության և արևելագիտության բոլոր նորահայտ գիտական նվաճումները, որոնք ապացուցում են Հայերի տեղաբնիկ (արորիգեն) լինելը:

Նույն Ռ. Գ. Սյունին «չի մոռանում» գենետիկ կապեր տեսնել ներկայիս ադրբեջանցիների և աղվանների միջև, Հայտարարելով, որ աղվան ժողովուրդը թուրքախոս

և շիա մահմեդական դարձած «այսօրվա ադրբեջանցիների ուղղակի նախնին է» (the direct ancestors of present-day Azerbaijanis): Գործը այնտեղ է հասնում, որ Ռ. Գ. Սյունին Հայ ճարտարապետության գոհարներից մեկը՝ Գանձասարը, համարում է (ինչպես դա անում են ադրբեջանցի կեղծարարները) «աղվանական եկեղեցի» (էջ 34): Ռ. Գ. Սյունին բուն թաթարվչի նախին հետևելու այս բացահայտ դրսևորումը ոչ այլ ինչ է, քան թուրքական պատմագրության հետ կնքված ռազմավարական դաշինքի ածանցյալ արտահայտություն:

Ինչպես թուրք, այնպես էլ ամերիկյան պատմագրության մեջ Հայաստանը հուշակվում է աշխարհագրական ֆիկցիա: «Ամենից կարևոր և անհրաժեշտ եմ համարում ընդգծել հետևյալը, ժամանակին գրում էր էսաստ Ուրասը, — Հայաստանը չի կարող լինել որևէ այլ բան, քան աշխարհագրության վրա հիմնված հասարակ հիշողություն, տարածք՝ առանց քաղաքական սահմանների (էջ 38–39), իսկ Ռ. Գ. Սյունին, Հայաստանը նենդափոխելով Անատոլիայով, առավարկում է օգտագործել անատոլիական հայեր հորջորջումը: Իր 1983 թ. լույս տեսած «Հայաստանը 20-րդ դարում» գրքուկում Ռ. Գ. Սյունին արել է իր համար շատ բնորոշ հետևյալ արտահայտությունը. «Բացի ինքնուրույն Հայաստանից չկա այլ Հայաստան ու նաև չկա մի այլ ազգ, բացի նրանից, ով երազում է Արարատի ստորոտում» (էջ 40):

Արդի թուրք և ամերիկյան պատմագրության ստահոգ պնդումներից մեկն էլ այն է, որ դարերի ընթացքում Հայերը պետականություն չեն ունեցել և Հաջորդաբար ենթարկվել են նվաճողների գերիշխանությանը: Նույն էսաստ Ուրասը այսպես է ներկայացնում իր ընթերցողներին Հայոց քաղաքական պատմությունը: 1. Մինչև Ալեքսանդր Մեծի ժամանակաշրջանը Հայաստանը Պարսկաստանի մի նահանգ էր, 2. Մակեդոնյան տիրապետության ժամանակաշրջանում Հայերին կառավարում էին մակեդոնացիների կողմից նշանակված տիրակալներ, 3. Սելևկյանների ժամանակ Հայերը առաջվա նման կառավարվում էին օտարերկրյա տիրակալների կողմից, 4. Պարթևների ժամանակ Հայերի վրա գերիշխում էին Պարթևների կողմից նշանակված կառավարիչները, 5. Թե՛ այսպես կոչված Հարավա-

յին Հայաստանի (նկատի ունի Միջագետքն ու Օսրոյենը – Մ.Ջ.) և թե՛ այստեղի թագավորները Հայերի հետ ոչ մի առնչություն չունեն, 6. մինչև մ.թ.ա. 50թ. [sic!] Հայաստանը նվաճվեց Լուկուլլոսի և Պոմպեոսի կողմից: Հետևաբար Հայաստանը երկար ժամանակ ընկավ Հռոմեական տիրապետության ներքո, երկու դար այդպես շարունակվեց, 7. Սասանյան տիրապետության Հաստատումից հետո այսպես կոչված Հայաստանը գործիք դարձավ Պարսկաստանի և Արևելյան Հռոմեական կայսրության ձեռքում՝ 387 թ. երկիրը բաժանվեց երկու պետությունների միջև: 391 թ. Հայկական իշխանությունը վերացվեց բյուզանդական, իսկ 429 թ.՝ պարսկական մասում» (*Es'at Uras, Tarihte Ermeniler ve ermeni meselesi. Ankara, 1952, S. 86*): Թուրքական սայլին լծված ամերիկյան պատմաբանների կարծիքն այս հարցում քչով է տարբերվում էսատ Ուրասի ու այլոց միտումնավոր մոտեցումներից:

Հայոց պատմության հիմնահարցերին անդրադառնալիս ամերիկյան պատմաբանությունը զարմանալիորեն համընկնում է թուրքականին ևս երկու հարցերում՝ Հայ պատմաբանության անարժանահավատ լինելու և Հայերի Հայկական լեռնաշխարհում չնչին փոքրամասնություն կազմելու թեզերի շուրջ: Արդի թուրք պատմաբանության ներկայացուցիչներ՝ էսատ Ուրասը, Սաֆի Կոչաչը, էնայթթուլյազ Օզկայան, Քյամուրան Գյուրոյունը, Մ.Կաչկարլին, էնվեր Կոնուկը և այլք մատնանշված հարցերին ընդարձակ էջեր են նվիրել և շատ հաճախ սակազմում է իրենց «ուսումնասիրության» առանցքը¹: Ռ. Թոմսոնի, Կ. Թումանովի, Պ. Քաուլիի և այլոց V. դարի Հայոց ոսկեդարյան գրականությունից արված թարգմանությունները և «լուսաբանումները» դարձյալ պետք է դիտարկել իբրև թուրք-ամերիկյան ռազմավարական դաշինքի արտահայտություն:

Ինչ վերաբերում է Ա. Ավագյանի գրքում բավականին մեծ տեղ տրված Ռ. Գ.

Սյունիի կողմից Հովսեփի էմինի գրքի² որոշ հատվածների բռնազրոսիկ մեկնաբանություններին, ապա պետք է ասել, որ դրանք դարձյալ հետապնդում են հետին նպատակներ: Ամբողջովին համաձայնվելով Արմեն Ավագյանի քննական բացատրություններին և բանասիրական ճշգրտումներին, պետք է ավելացնել, որ Ռ. Գ. Սյունին և նրա նմանները փորձում են ընթերցողին ներշնչել այն, որ իբր, Հայ ազատագրական պայքարները XVI–XVII դդ. խորթ էին Հայ հասարակությանը, և որ Հայերը լուեյայն ենթարկվում էին օսմանյան «բարեխնամ» կառավարության հոգատարությանը և որ Հայերի և տիրապետող թուրքերի միջև հարաբերությունները միանգամայն բարվոք ու բարեկամական էին և միայն XVIII դարում Ռուսաստանի դրամամբ Հայերը խաբվեցին ռուսների «կեղծ» խոստումներից ու, հետևաբար, սրվեցին Հայ-թուրքական հարաբերությունները: Եվ ահա թե ինչու Ռ. Գ. Սյունին էրզրումի շրջակայքի Հայ գյուղացիների վերաբերմունքը Հովսեփի էմինի նկատմամբ համարում է «թշնամական»:

Հանրահայտ է, որ դարերի ընթացքում Հայաստանի գլխին պայթած քաղաքական տակնուվրայությունները Հայ ժողովրդի մի մասին և հատկապես առևտրաբարձրագույն գործական խավի ներկայացուցիչներին ստիպեցին թողնել Հայրենիքը և կազմել Հայկական արտաշխարհը, սակայն Հայ բնակչության մեծագույն մասը մնաց իր Հայրենիքում, կազմելով երկրի բնակչության մեծ մասը: Ի հեճուկս Ռ. Գ. Սյունիի, Ջ. Ա. Բուռնուլյանի և այլոց պնդումներին, ևս մի անգամ հիշեցնենք նրանց, որ XVII դարի Քրանսիացի ճանապարհորդ Ժան Բատիստ Տավերնիեն բազմիցս անցնելով ողջ Հայաստանով գրում էր, որ «...Թողտոնից մինչև Թավրիզ երկիրը բնակեցված է Հայերով» և «չպետք է զարմանալ, եթե Հիսուն Հային ընկնում է մի մահաբերական»³:

Չափազանցություն չէր լինի, եթե նշեինք, որ յուրաքանչյուր Հայիս մեծագույն

1 Այդ մասին տե՛ս M. G. Kaşgazlı. Kilikya tabi ermeni baronlugu tarihi. Ankara 1990, էջ 123–165.

2 [Emin Joseph], The Life and Adventures of Joseph Emin, an Armenian, Written in English by Himself. Calcutta, 1918. See edition.

3 Տե՛ս Jean Baptiste Tavernier. Les six voyages de Jean Baptiste Tavernier en Turquie, en Perse et aux Indes. Paris, 1713, p.79:

Հուզող Մեծ Եղեռնի Հարցում մեր մատնանշած ամերիկյան և թուրք պատմագրության «տեսակետները» ամբողջովին համակնուցում են: Անշուշտ, գովելի բացառություն են կազմում Վահագն Տատրյանի և շատ ուրիշների մեծարժեք աշխատությունները (էջ 81–182): Ռ. Գ. Սյունին, կրկնելով թուրք պատմաբաններին, գրում է, որ XIX դարի վերջերից Հայ-թուրքական հակամարտությունները հրահրել են Հայ ազգայնականները թուրքական Անատոլիային տիրանալու նպատակով, իսկ թուրքերը ընդամենը «պատասխանել են»: Եվ դարձյալ հետևելով թուրք պատմագրությանը, Ռ. Գ. Սյունին նշում է, որ 1915 թ. Հայոց Եղեռնը նախապես ծրագրված էր, իր խոսքերով ասած «վերևից մանրակրկիտ կերպով կառավարված ոչնչացման ծրագիր» էր, այլ Հայերին կոտորելու երիտթուրքական կառավարության վճիռն ընդունվել է պատերազմական իրավիճակից բխող քաղաքական և հոգեբանական ճնշումների ներքո (էջ 87): Դիմելով սրբապղծության և ձայնակցելով իր թուրք գործընկերներին, Ռ. Գ. Սյունին ամեն կերպ փորձում է նվազեցնել Հայ նահատակների թիվը:

Արմեն Այվազյանի աշխատության երկրորդ մասը նվիրված է ամերիկյան «Հայագիտության» ընդհանուր միտումների, զարգացումների և դրանց հետևանքների քննարկման հարցերին: Այստեղ, Հիրավի, կատարված է պատմական ու բանասիրական մեծ քրտնաջան աշխատանք և, հիմնականում, արդարացի գիտական քննադատության են ենթարկված Ռ. Թոմսոնի և այլոց կատարած «Հայագիտական» մարզանքները: Ըստ ամենայնի, երևում է Հեղինակի անգլերեն լեզվի հմտալից իմացությունը: Միանգամայն ընդունելի ենք Համարում

կատարված նուրբ պատմական և բանասիրական դիտարկումներն ու ճշգրտումները:

Ամփոփենք: Արմեն Այվազյանի սույն գիրքը կարելի է դասել գիտական սիրագործությունների շարքը: Հեղինակը, Հիրավի, ցուցաբերել է քաղաքացիություն և Հայրենասիրություն՝ փորձելով ակադեմիական ղեկավար շրջաններին հիշեցնել, որ ամերիկյան և ամերիկահայ որոշ Հայոցի պատմաբանների նկատմամբ որդեգրած մոտեցումը գիտական ու քաղաքական առումով սխալ և վնասաբեր հետևանքների է հասցնում: Որոշ վերապահումով Համաձայնվում ենք Հեղինակի այս մտահոգությանը:

Վերջում կուզենայինք Այվազյանին որոշ դիտողություններ անել և խորհուրդներ առաջարկել. դրանք են՝ ա) պետք է սանարյուն լինել արված դատողություններում և դուրս չգալ ակադեմիական բառապաշարի շրջանակներից, բ) պետք է արծարծել դեռևս քաղաքացիություն չստացած և միջազգային ճանաչման չարժանացած սենսացիոն «նորությունը», ինչպեսին է Արտակ Մովսիսյանի կողմից ուրարտական ժամանակաշրջանի հիերոգլիֆների Հայերեն կարդալու փորձը, այլ կերպ ասած՝ չի կարելի ընկնել հակառակորդի Հարվածի ներքո, գ) աշխատությունը կհաջան, եթե ընթերցողի Համար ավելի առարկայական դառնար թուրքական պատմագրության հետ սերտ աղերսների մեջ մտած ամերիկյան մի շարք պատմաբանների Հարազատ կապերն ապացուցող ցցուն դրվագների մանրամասն Համարումը:

ՀՀ ԳԱԱ ակադեմիկոս
Մ. Կ. ԶՈՒԼԱԼՅԱՆ